

ՓԱՍՏԱԲԱՆՆԵՐԻ ՊԱԼԱՏԸ ՀՅՈՒՐԸՆԿԱԼԵԼ ԷՐ «ԳՈՐԾԱՐԱՐ ԿԱՌԱՎԱՐՄԱՆ ՄԱԳԻՍՏՐՈՍ» ԾՐԱԳՐԻ ՈՒՆԿՆԴԻՐՆԵՐԻՆ

01.06.2018 12:59



2018 թվականի մայիսի 31-ի ՀՀ փաստաբանների պալատը հյուրընկալել էր Գործարար կառավարման մագիստրոս (Executive Master of Business Administration) կրթական ծրագրի ղեկավարների համար նախատեսված առաջին հայալեզու մագիստրոսական ծրագրի ներկայացուցիչներին: Այցի հիմնական նպատակն էր ծանոթանալ կառույցի կառավարման մոդելին և կառավարման համակարգին, ինչպես նաև քննարկել գործադիր, օրենսդիր և դատական համակարգերում փաստաբանների դերի և գործունեության հարցերը: Մագիստրոսական ծրագրի խմբի ղեկավարն էր Տնտեսական համագործակցության եվրոպական լիգայի խորհրդի (Բոյոսել) անդամ, Մերձավոր Արեւելքի Որակի Ասոցիացիայի (Դուբայ, ԱՄԷ) հիմնադիր անդամ, Լիբանանի Saint Joseph, Քուվեյթի Պարսից Ծոցի Գիտության և Տեխնոլոգիայի, Ֆրանսիայի Փարիզ 9-Դոֆին համալսարանների Հայաստանի Ամերիկյան Համալսարանի դասախոս Բաֆֆի Սեմերջյանը:

Ծրագրի 25 մասնակիցներից բաղկացած խումբը առողջապահական, ֆինանսական, ապահովագրական, արդյունաբերական բնագավառների մասնագետներ էին: Ողջունելով ներկաներին՝ ՀՀ փաստաբանների պալատի նախագահ Արա Զոհրաբյանը ներկայացրել է Հաստատում փաստաբանների գործունեության հիմնահարցերը, դատական համակարգում փաստաբանի դերը և փաստաբանական միավորումների միջազգային փորձն ու հայաստանյան պրակտիկան:

Ներկաներին հիմնականում հետաքրքրել է ներդրումների ոլորտում իրավական օժանդակության անհրաժեշտության գնահատմանն առնչվող տեղեկություններ:

Նրանց խնդրանքով Փաստաբանների պալատի նախագահն անդրադարձել է կառավարման ընդունված կանոնների և աշխատակազմի խթանման ունիվերսալ գործիքակազմ ունենալու հարցերին: Մագիստրոսական ծրագրի մասնակիցները շրջայց են կատարել Փաստաբանների պալատի շենքում՝ այցելելով Փաստաբանական դպրոց և Հանրային պաշտպանի գրասենյակ:

Մագիստրոսական ծրագիրը մեկնարկել է 2017թ աշնանը, տևողությունը մեկ տարի է: Ծրագրի դասախոսական անձնակազմը միջազգային հայտնի համալսարանների շրջանավարտներ են, ինչպիսիք են օրինակ՝ Bristol, Binghamton, Concordia, Harvard, Imperial College of London, Paris I Pantheon-La Sorbonne և այլն: Դասախոսական

անձնակազմը լավագույն փորձի փոխանակում է իրականացնում մասնակիցների հետ, իսկ դասավանդվող առարկաները կառավարման անհրաժեշտ և թիրախային ուղղություններն են, որոնք նպաստում են ծրագրի մասնակիցների հմտությունների զարգացմանը:

Ծրագիրը ներառում է նաև ամենամսյա հանդիպում-քննարկումներ (Meet the CEO) ՀՀ տարբեր ընկերությունների ղեկավարների հետ ինչպիսիք են օրինակ՝ ՀՀ կենտրոնական բանկը, Nasdaq-OMX-ը, Հայաստանի էլեկտրական ցանցերը, առաջատար բանկերի և առողջապահական կազմակերպությունների հետ:

```
Վերադառնալ $(window).load(function(){ if(typeof $(".fb_comments_count").html() != "undefined" && parseInt($(".fb_comments_count").html()) != 0){ updateCommentsCount(window.location.href); } })
```